

欽定大清會典事例

欽定大清會典事例卷一千一百七

侍衛處

儀制

服用
奏事

常朝坐班

朝會坐次

輪班

服用○原定後扈前引大臣一二等侍衛升級
新補者歲於十二月行文內務府支領綠貂朝
衣端罩豹尾班侍衛支領蟒袍恭遇

巡幸支領黃馬褂侍衛入朝均挂數珠除

御前侍衛

乾清門上駟院侍衛及各執事侍衛外咸佩刀直

宿暨

巡幸駐蹕宿衛

御營內大臣以下咸佩刀。又定恭遇

大閱領侍衛內大臣以下至親軍咸甲冑侍衛什長
親軍校咸負龍旗班領二人率親軍鳴海螺凡

遇

簡命重臣為將或經略督師應否

頒給黃龍大纛由領侍衛內大臣臨時請

旨。乾隆四十三年奏准凡遇

巡幸將行營章京十二員帶領引

見

嘉慶十七年後
改為章京八員

派出三員總管營務賞給黃馬褂

○嘉慶四年奏准委署散秩大臣賞給二品頂戴○五年奉

旨嗣後善射鵠人等著與十五善射一體按品戴用翎頂

常朝坐班○三旗領侍衛內大臣侍衛隨侍衛班親軍均分兩翼鑲黃旗為左翼正黃旗為右翼正白旗半為左翼半為右翼屆日黎明除內外班直宿內大臣侍衛外內大臣侍衛等均會集於

太和門門左右次各設榻二重東西嚮散秩大臣

以上得與坐。本班侍衛按次坐於兩稍間。負壁
北上。東西嚮。鑲黃正黃二旗侍衛在東西三四
間。一等侍衛齊前楹為第一班。二等三等藍翎
侍衛為二三四班。東西上。正白旗侍衛在東西
次間。各二行。北上。均北面序坐。三旗前鋒護軍
參領列坐於左右門之外。各東西嚮。王公入朝
。領侍衛內大臣以下咸降榻坐於一等待衛之
前。直班侍衛什長令侍衛知會尚茶。由內頒茶。
左右各二桶。至門下。兩翼侍衛什長各二人起
立。視侍衛等分授王公內大臣。一、二等待衛及

前鋒護軍參領茶宗室侍衛漢侍衛不散茶新授侍衛隨同學習侍衛班領什長教之茶畢以次退凡遇齋戒日素服日不頒茶

萬壽聖節元旦前後凡七日元宵節前後凡三日朝晡二次上朝亦如之

朝會坐次○順治年間定

皇帝升殿受朝羣臣行禮畢

賜王公大臣坐後扈大臣二人於

御座旁左右僉坐前引大臣十人於

寶座前東西面坐領侍衛內大臣內大臣散秩大臣

於八八分公後第三行。上三旗前鋒護軍統領
待衛各按品級。於四五行以次序坐。○又定。
元旦元宵節

賜大臣燕領侍衛內大臣。內大臣。散秩大臣。兼武職
之文大臣。都統。前鋒統領。護軍統領。暨各省來
京之將軍。都統。總管。城守尉。均按班次序坐。○
又定。每歲終將應入坐次之一品大臣。及前鋒
護軍統領。外省來京將軍等職名。開列進呈。恭
候

欽定。○又定。大燕日。開列王公大臣職名。奏請

欽命一人進酒。○乾隆二年奉

旨。大學士著入殿坐。領侍衛內大臣之上。○八年奉
旨。嗣後御殿日。殿內止令大臣等坐。侍衛等皆令侍立。
不必坐。○十五年奉

旨。嗣後大學士坐次。仍著在領侍衛內大臣之上。協辦
大學士事務尚書。著在領侍衛內大臣之下。署領侍
衛內大臣之上。

輪班奏事。○雍正十年

諭。領侍衛內大臣奏事班次。不宜隨部院衙門。嗣後將
領侍衛內大臣前鋒護軍統領合為一班。列於八旗。

奏事班次之後。乾隆三十四年奉

旨。輪班奏事八旗八班。領侍衛內大臣前鋒統領護軍
統領向來合為一班。居八旗之次。是以多少稍覺不
均。嗣後將領侍衛內大臣另為一班。居八旗之前。其
前鋒統領護軍統領仍為一班。居八旗之次。道光
三年

諭。三所前舊有成親王下處一所。著賞給領侍衛內大
臣。作為輪班直宿公所。○六年

諭。朕於本月二十九日回圓明園。三月初一日。文武各
衙門直日。著另行輪起。嗣後凡遇啟鑿回鑿日期。前

後相距無論遠近俱著另行輪起毋庸按前接算如遇進宮至回園之期仍遵前旨相距在十日以外者另行輪起在十日以内者仍按前班接算

宿衛

宮門宿衛

御營宿衛

宮門宿衛○三旗侍衛各分六班

乾清門

內左右門為內班左右翼侍衛各三十人侍衛班領各一人委班領各一人率侍衛八直畫司門禁夜守扁鑰

太和門為外班三旗侍衛什長各一人率侍衛暨

入侍衛班之親軍三十人八直每班以領侍衛

內大臣一人內大臣或散秩大臣一人統之領如

侍衛內大臣或奉差或兼他職以
內大臣散秩大臣奉簡署理

中和殿以散秩大臣一人率外班侍衛親軍十人

入直○道光二年奏准嗣後

宮內

圓明園遇有考試之事除

乾清宮

正大光明殿係屬

內廷向無

大門侍衛官員進內及

中和殿階下向有

大門侍衛二十員毋庸添派外其

乾清門階下

出入賢良門階下各添派

大門侍衛二十員以資管束○又

諭綿課等奏明年

皇太后臨幸圓明園慈寧門每日進班散秩大臣一員

應否改由三旗兼頭二品世職侍衛內選派八員進

班請旨一摺嗣後每遇

皇太后由圓明園進宮。暫住幾日。慈寧門進班。著派三旗兼頭二品侍衛八員進班。俟冬際。

皇太后進宮之時。再著散秩大臣在慈寧門進班。又諭現在文孚福克津等派出武會試入闈。伊等領侍衛內大臣進班之處。著內大臣替進。嗣後領侍衛內大臣內如遇外差。即著照此進班。○同治七年奏准。嗣後恭遇

保和殿

紫光閣

賜燕於

殿內東西榻扇添設

乾清門侍衛八員

殿外東西階下添設三旗續辦事章京二員帶領
親軍營官兵排立。如有閒散人等違例擁擠立
即捆拏由本處送交刑部治罪。○光緒十二年
奏准嗣後

皇極門外除原設八旗護軍營包衣三旗護軍營
直班官兵外添派官兵二十名

保泰門外南北添設朱車氈房二處官兵二十名
並派

大門三旗侍衛在

寧壽門外罩下直班

御前侍衛

乾清門侍衛在

寧壽門內東邊南圓房直班

御營宿衛○

巡幸宿衛

御營以領侍衛內大臣一人散秩大臣一人入直

御前大臣侍衛及

乾清門侍衛分六班更番入直

御營正門內班侍衛二十人。侍衛班領一人。前東西隅侍衛各十人。侍衛班領一人。後東西隅侍衛各十人。委班領二人。正門外侍衛什長三人。率入侍衛班之親軍三十人宿衛。○恭奉

慈輿行幸。

皇太后行營正門侍衛班領一人。侍衛十人。後隅委班領一人。侍衛十人。

扈從

朝會扈從

祭祀扈從
巡幸扈從

大婚扈

朝會扈從。

皇帝御太和殿受朝。前引侍衛二人。自

乾清門後左門引至殿後止。後扈大臣二人自

乾清門扈從。

自如係

宮內隨出後同

御前大臣前引大臣十人。

於

殿北階下立候。

駕至前引十大臣按翼前導進。

殿由左右趨至。

寶座前北上東西面序立。後扈大臣二人隨升於

御座後東西僉立。豹尾班侍衛於

寶座下兩旁序立。○大朝日先於

中和殿行禮。前引十大臣領侍衛內大臣散秩大

臣侍衛與部院有執事官於

中和殿南兩旁序立。均東西面北上。

駕御中和殿鴻臚寺官引東西班各官俱就拜位北面立。後扈大臣於

殿階視排班齊趨入班行三跪九叩禮。

殿前後直班侍衛各就立處隨行三跪九叩禮畢。領侍衛內大臣侍衛先由

太和殿後門趨入各供執事後扈二大臣進至階下。前引十大臣進至

御道左右。

駕興導從如前。

駕御太和殿慶賀禮成。

駕還宮。直日侍衛班領率豹尾班侍衛於

乾清門階下

御道左右行三跪九叩禮。

御殿

賜茶前期行文禮部移取進

殿兩翼王公大臣職名如數分委侍衛至期待衛
班領四人什長四人率侍衛隨尚茶正尚茶昇

茶案自

殿階二成左右升一成中階至

殿檐下侍衛等分立兩旁俟尚茶大臣進茶退看
視奉茶侍衛班領二人由

殿左右門入侍衛什長四人由左右次開門入三
等以下侍衛各奉茶入侍衛班領看視侍衛等
先授王公次授後扈前引大臣茶什長看視侍
衛等徧授殿內外大臣及講官茶畢出隨茶案
由兩旁魚貫而退今停○大燕日進酒大臣進
酒退內務府執事官舉反坫至檐下管燕大臣
領巡酒侍衛入

殿門各奉卮酒進至

御前以待

親賜王公大臣酒侍衛班領侍衛什長各二員分列左右指示侍衛巡酒王公百官皆令徧及失儀者劾之○外國來朝及

召見使臣或於

便殿或於

駐蹕行宮前引後扈大臣皆侍班

御前侍衛

乾清門侍衛直日侍衛班領率豹尾班侍衛均於

殿內按翼序立。其應入坐次王公大臣侍衛均由
領侍衛內大臣辦理。

恩賜曲燕同。

駕詣

皇太后宮行禮。前引侍衛二人自

乾清門前導至。

永康左門止。

還宮導如前至。

乾清門止。前引大臣十人於
隆宗門內立。豹尾班侍衛於

乾清門階下立。

駕至前引大臣按翼前導至。

慈寧門階下止。豹尾班侍衛隨至左右牆角止。後扈

大臣隨升階。

皇帝行禮時在後僉立。前引十大臣入於隨從

御前大臣班內按翼行禮。禮成仍前引至。

隆宗門內止。

駕還宮後扈大臣率侍衛班領豹尾班侍衛赴

慈寧宮門外階下甬道左右行三跪九叩禮。

御門聽政屆時。直班侍衛引部院翰林科道等官由

後左門入

常日各衙門奏事官亦均由侍衛引進

豹尾班侍衛於

乾清門階下左右牆角立。領侍衛內大臣直班內大臣侍衛於左右階下立。侍衛班領每翼一人於階上左右極前立。

御前侍衛隨

駕出同

乾清門侍衛於

御榻兩旁立。

升座後直日侍衛三人隨第一部奏事官至階下侍衛止。部臣升階奏事畢降階仍隨退。各部依次

以三人隨進退如之。至大學士等升階。

御前大臣

御前侍衛

乾清門侍衛由左右階降同階下侍衛均退立於

螭頭左右俟大學士承

旨退仍升階各就原處立。

駕還宮。

御前侍衛隨入餘各退如

御箭亭侍衛二人前導至降輿處止豹尾班隨行掌

蓋於

御前擊蓋凡

駕出入禁城行幸亦如之

耕藉饗

先農禮成

御具服殿前引大臣於殿前階上立

駕詣藉田引至耕所俟進犁鞭畢前導推返禮成引

由

觀耕臺中階升於

御座前左右侍立禮成右翼趨過向左翼由東階降

引出後扈大臣隨從如儀○

御經筵日侍衛二人前導至

文華門止後扈大臣隨至

寶座左右僉立

御前侍衛

乾清門侍衛於

寶座後兩旁豹尾班於殿外階下均左右序立

皇太后

皇后

妃

嬪出入以

乾清門侍衛四人。暨侍衛十人前導。如出郊外。前導侍衛二十人。其餘侍衛在豹尾班後扈從。大婚扈從。○同治十一年奏准。

大婚遣使奉迎。

鳳輿。奏派扈從內大臣十員。侍衛十員。○又奏准鳳輿至。

乾清宮降輿時。開合榻扇。暨

乾清門內綵殿。照料燈隻。均由本處將

乾清門侍衛等銜名開列請派。

祭祀扈從。○

太和殿

躬閱祝版香帛。後扈大臣二人從前引侍衛二人由乾清門後左門引至。

太和殿後止。豹尾班侍衛隨入。

殿於

寶座後立。

中和殿

躬閱祝版前引侍衛由

乾清門引入。

保和殿至。

中和殿後止豹尾班隨入

殿立如前

閱畢引由

中和殿東階降入

後左門

還宮凡前引侍衛出入皆由左右門升降皆自東西

階○

躬祀

壇

廟日除內外直班內大臣散秩大臣暨後扈前引大臣

豹尾班侍衛有執事侍衛外內大臣散秩大臣侍衛皆齋戒隨

駕出至祭所各八班陪祀凡內大臣侍衛均於

紫禁城內齋宿以領侍衛內大臣侍衛班領什長稽察祀日

皇帝受福酒福胙以侍衛恭接豫由領侍衛內大臣揀選宗室侍衛引

見三旗

簡用六人每祀以二人執事

奉先殿奠帛獻爵宗室侍衛三十一人前期據掌儀司

來文如數派往。

駕詣

壇

廟及詣

齋宮齋宿均於前期咨取宗人府王公二人。

嘉慶十七

年後減為一人

前鋒護軍統領一人。科道二人。各部司

官四人。同散秩大臣一人。侍衛班領一人。委侍

衛班領一人。侍衛什長二人。在豹尾班後列隊

管轄。前期一日繕名籤奏。

聞又於

午門

壇

廟

堂子門外。前引後扈大臣暨

御前大臣侍衛上馬下馬處。分委親軍校親軍馭馬。
駕出。陳設鹵簿。前引侍衛二人。自

午門外乘馬。

御輦前後執鐙侍衛四人。輦前執提鑪侍衛二人。皆
步從。輦後豹尾班執槍侍衛十人。佩儀刀侍衛
十人。佩弓矢侍衛二十人。選身體魁梧四品以

上者以領侍衛內大臣一人侍衛班領二人領之。黃龍大纛以領侍衛內大臣一人。

或用內大臣散秩大

人一侍衛什長二人領之。

南郊

北郊前引侍衛二人自

乾清門前引至

午門外止前引大臣十人於

太和門北階下立豹尾班侍衛於

乾清門階下立候

駕至前引大臣按翼前導後扈大臣按翼隨行自

午門外乘馬至

壇門外下馬及

壇。豹尾班侍衛於

壇內。壇門外兩翼序立。前引大臣

圓丘於三成階下。

方澤於二成階下。按翼東西面序立。後扈大臣隨升。於
駕後僉立。

祈穀於

祈年殿前。引大臣由左階升。

駕入

殿門按翼於中門外。北上東西面侍立。後扈大臣隨入。

於

駕後兩旁僉立。豹尾班侍衛隨入。至階下左右僉立。
餘儀與前同。○饗

太廟前引後扈等儀與

祈年殿同恭遇

親告

中殿前引大臣由

殿東導引升

中殿東階至階上俟

駕入左門。按翼於中門外。北上東西面侍立。豹尾班侍衛入戟門。左翼由

前殿東隨行。右翼由

前殿西各行至

中殿東西階下。序立如前。禮成由

前殿西行至戟門隨出。

躬祭

奉先殿前引大臣十人於

景運門內立。

駕至。前引大臣十人引由

誠肅門。

奉先殿左門。餘與饗。

太廟同。

後殿上香行禮。前引大臣十人。由東夾道引進至後殿候。

駕入。

殿門按翼於中門外。穿堂內北上。東西面侍立。豹尾班止立於夾道門外。

躬祭。

社稷壇前引大臣十人於

駕後北上東西面侍立。後扈大臣二人。在後僉立。
皇帝升。

壇上香。後扈大臣隨升。餘如前儀。

親祀

日

月壇前引後扈儀與

北郊同。

躬祭

堂子前引大臣十人由

太和門前導至

堂子街門引進內門中門由甬道引至丹陛止候

駕過皆於甬道北南嚮立隨行禮畢左翼五人趨過甬道仍由內門中門引出如遇拜纛引出內門嚮南引至纛前退立

駕後南上東西面侍立禮成引出○

親告

傳心殿前引後扈如常儀入景行門至

傳心殿門外

駕入殿後扈大臣隨入前引大臣止於殿門外豹尾班止於景行門外階下均左右序立○

躬祭

陵寢饗殿前引大臣十人由幄次導引後扈大臣二人

從由

隆恩門左門入升

隆恩殿左階

駕入

殿門後扈大臣隨入前引大臣於中門外豹尾班於階

下均分左右北上東西面序立禮成如

駕詣

明樓前前引大臣引由東階降自

殿東至

陵寢門外止立。後扈大臣隨入。

巡幸扈從。

聖駕巡幸行圍。

御前大臣侍衛

乾清門侍衛皆從。六班輪直侍衛。或一班或兩班

隨往

聖駕出入。以直班侍衛二人前導。與在京同。如奉

皇太后慈輿行幸。則三班隨往。日以侍衛二十人前導。

二十人左右翊衛。均屬橐鞬豹尾班侍衛。二十

人後衛以領侍衛內大臣一人侍衛班領二人
領之黃龍大纛前以領侍衛內大臣或內一人
散秩大臣一人侍衛什長二人領之

御前擎蓋以

乾清門侍衛更番執事

皇太后輿前以侍衛前導翊衛後從均如前儀○

皇子遣祭

陵寢或奉差遣圍獵奏

簡領侍衛內大臣一人散秩大臣二人率侍衛隨從

護衛謹案嘉慶十七年後改為奏簡代領侍衛內大臣之散秩大臣一人委散秩大

臣一人奉領侍衛隨同護衛 ○嘉慶十九年奏准嗣後恭遇

聖駕巡幸謁

陵內大臣六員除係

御前

乾清門

內廷人員兼充者仍令隨扈外其由宗人府及各
部院兼充人員毋庸請派隨扈○二十四年

諭嗣後侍衛內如有託故不進班宗室侍衛內有指稱
獻爵不隨圍者該章京等即指名稟知領侍衛內大

臣參辦

欽定大清會典事例卷一千一百八

鑾儀衛

官制

設官

職掌

升降

考察

設官○順治元年。置錦衣衛為正三品衙門。設指揮使等官。○二年。改錦衣衛為鑾儀衛。○四年。罷指揮使等官。改設鑾儀使鑾儀副使。並冠軍使。冠軍副使等官。定鑾儀使為正二品。鑾儀副使為從二品。○五年。復罷鑾儀副使。並裁冠軍副使雲麾副使治儀副正。整儀副尉各官。定為正二品衙門。設滿洲鑾儀使二人。漢鑾儀使

二人。裁鑾儀衛官一百十四員。○九年。改總理鑾儀衛事內大臣為掌衛事大臣。其餘滿洲官品級銜名俱與漢官同。○十一年。定鑾儀衛官品級。掌衛事大臣為正一品。鑾儀使為正二品。冠軍使為正三品。雲麾使為正四品。治儀正為正五品。整儀尉為正六品。○又定官制員額。掌衛事大臣一員。滿洲鑾儀使二員。漢鑾儀使二員。陪祀漢冠軍使二員。左右中前後馴象六所。旗手一衛。掌印滿洲冠軍使各一員。掌衛事漢冠軍使一員。掌印滿洲雲麾使十四員。閒散滿

洲雲麾使六員。掌所事漢雲麾使六員。駕儀管
理步輦管理漢雲麾使各一員。閒散滿洲治儀
正二十員。掌司事漢治儀正十四員。駕儀管理
漢治儀正三員。步輦管理小馬輦管理靜鞭管
理梭薦管理拜褥管理漢治儀正各一員。閒散
滿洲整儀尉十三員。馴象司管象漢整儀尉一
員。旗手衛左右司漢整儀尉各一員。玉輅輦管
理大輅輦管理大馬輦管理駕庫管理漢整儀
尉各二員。小馬輦管理梭薦管理亭座管理篋
頭管理漢整儀尉各一員。經歷司滿洲經歷一

員。鳴鞭官八員。由閒散滿洲冠軍使治儀正整儀尉內選委兼攝無專官。○十五年。裁滿洲經歷一員。○康熙二年。遵

旨議准鑿儀衛仍照舊改為三品衙門。鑿儀使為正三品。冠軍使為正四品。雲麾使為正五品。治儀正為正六品。整儀尉為從六品。○六年。復改鑿儀衛為正二品衙門。凡鑿儀使以下各官品級如原定之制。○十六年。增設滿洲主事一員。漢經歷一員。筆帖式十員。○三十一年。裁漢鑿儀使一員。○乾隆九年。增設兼管衛事大臣一員。拜

褥管理漢治儀正二員。駕儀管理漢治儀正一員。前所雜務管理亭座管理漢整儀尉各一員。○十三年奏准本衛額設滿漢各官不敷差委。嗣後將漢武進士簡拔侍衛者。每科以十五人撥入本衛一體當差行走。其升轉仍照侍衛之例。○十四年裁兼理衛事大臣一員。駕儀管理漢治儀正三員。前所雜務管理漢整儀尉一員。增設中所旌節司漢治儀正一員。駕儀管理漢整儀尉二員。駕庫管理亭座管理漢整儀尉各一員。○又裁小馬輦管理漢治儀正一員。大輅

輦管理大馬輦管理漢整儀尉各二員。玉輦管
理小馬輦管理漢整儀尉各一員。改設金輦管
理象輦管理木輦管理漢整儀尉各二員。革輦
管理漢整儀尉一員。○十五年。裁前所開散滿
洲治儀正一員。增設左所前所開散滿洲雲麾
使各二員。後所開散滿洲雲麾使一員。馴象所
開散滿洲治儀正二員。開散滿洲整儀尉一員。
前所開散滿洲整儀尉一員。○又改設右所開
散滿洲治儀正為四員。開散滿洲整儀尉為二
員。改設中所開散滿洲治儀正為三員。開散滿

洲整儀尉為二員。○又改分旗手衛左右司為左前後三所。增設滿洲雲麾使二員。並增設閒散滿洲雲麾使一員。閒散滿洲治儀正二員。○又裁駕儀管理步輦管理及後所額外漢雲麾使各一員。中所旌節司拜褥管理梭薦管理漢治儀正各一員。駕儀管理駕庫管理亭座管理篋頭管理木輅管理漢整儀尉各一員。又改馴象所管象漢整儀尉為雜務漢整儀尉。增設步輦管理漢治儀正一員。駕儀管理漢治儀正二員。革輅管理梭薦管理引仗漢整儀尉各一員。

○十七年奏准每科武進士簡拔侍衛者十人
之內以四人撥入本衛當差行走若數有多寡
照此派撥○十九年裁拜褥管理漢治儀正一
員設漢整儀尉一員又裁旗手衛左前後三所
漢整儀尉各一員改設漢治儀正各一員○二
十年裁駕儀管理漢治儀正一員增漢整儀尉
一員裁步輦管理漢治儀正二員改設漢雲麾
使二員○二十六年增設總理衛事大臣一員
裁玉輅管理漢整儀尉一員○二十七年裁左
所前所後所閒散滿洲雲麾使各一員旗手衛

之左所後所滿洲雲麾使各一員。左所馴象所
旗手衛。閒散滿洲治儀正各三員。右所閒散滿
洲治儀正四員。前所閒散滿洲治儀正一員。右
所。中所。閒散滿洲整儀尉各二員。○又裁象輅
管理。金輅管理。漢整儀尉各一員。革輅管理。漢
整儀尉二員。○三十年。裁總理衛事大臣一員。
左所。右所。旗手衛。閒散滿洲雲麾使各一員。前
所。閒散滿洲整儀尉一員。增設管旗手衛掌駕
庫滿洲冠軍使一員。中所。閒散滿洲雲麾使一
員。左所。右所。前所。閒散滿洲治儀正各二員。中

所馴象所閒散滿洲治儀正各一員。旗手衛閒散滿洲治儀正三員。左所閒散滿洲整儀尉一員。右所閒散滿洲整儀尉一員。又改設後所閒散滿洲治儀正為二員。閒散滿洲整儀尉為一員。○又裁步輦管理漢雲麾使一員。駕儀管理漢治儀正二員。旗手衛左前後三所漢治儀正各一員。駕儀管理。駕庫管理漢整儀尉各二員。拜褥管理漢整儀尉一員。增設步輦管理拜褥管理漢治儀正各一員。玉輅管理木輅管理革輅管理漢整儀尉各一員。改設鑿駕外庫管理

鑾駕內庫管理漢整儀尉各二員。又增設旗手
衛鐘鼓樓漢整儀尉一員。○三十三年。裁前所
閒散滿洲雲麾使一員。右所馴象所旗手衛閒
散滿洲治儀正各二員。中所閒散滿洲治儀正
一員。左所閒散滿洲整儀尉三員。前所後所閒
散滿洲整儀尉各一員。增設左所閒散滿洲雲
麾使一員。右所閒散滿洲雲麾使三員。左所閒
散滿洲治儀正四員。後所閒散滿洲治儀正三
員。右所閒散滿洲整儀尉二員。旗手衛閒散滿
洲整儀尉二員。中所閒散滿洲整儀尉三員。○

又以陪祀漢冠軍使二員。掌步輦事。裁鑾駕內
庫管理漢整儀尉二員。增設旗手衛鐘鼓樓漢
整儀尉一員。○三十七年。裁右所閒散滿洲雲
麾使三員。左所閒散滿洲治儀正四員。右所後
所閒散滿洲治儀正各二員。右所閒散滿洲整
儀尉一員。馴象所旗手衛閒散滿洲整儀尉各
二員。又裁筆帖式二員。增設前所閒散滿洲雲
麾使一員。馴象所旗手衛閒散滿洲治儀正各
二員。左所閒散滿洲整儀尉三員。前所後所閒
散滿洲整儀尉各一員。○又以陪祀漢冠軍使

一員掌駕庫事。仍掌步輦事。裁拜褥管理漢治儀正一員。旗手衛鐘鼓樓亭座管理。梭薦管理引仗漢整儀尉各一員。復設梭薦管理漢整儀尉一員。鑿駕內庫管理漢整儀尉一員。○又設鳴贊鞭官四員。○四十三年。裁雜務漢整儀尉一員。改設雜務滿洲整儀尉一員。○四十六年。以管旗手衛掌駕庫事漢冠軍使。改為總理步輦管鑿駕庫銀庫事。裁左所閒散滿洲整儀尉一員。筆帖式二員。增設閒散滿洲治儀正一員。○又裁旗手衛鐘鼓樓漢整儀尉一員。改設滿

洲雲麾使一員管理。裁拜褥管理漢治儀正一員。改設滿洲雲麾使一員管理。○四十八年。裁總理步輦管鑾駕庫銀庫事漢冠軍使一員。前所中所閒散滿洲雲麾使各一員。旗手衛鐘鼓樓拜褥管理滿洲雲麾使各一員。中所閒散滿洲整儀尉一員。雜務滿洲整儀尉一員。又改旗手衛左前後三所仍為左右司。裁滿洲治儀正一員。增設總辦堂務滿洲冠軍使一員。協辦堂務滿洲冠軍使一員。以左右中前後馴象六所及旗手衛滿洲冠軍使兼充。並增設左所右所。

閒散滿洲雲麾使各一員。右所閒散滿洲治儀正一員。中所閒散滿洲治儀正三員。右所後所馴象所閒散滿洲整儀尉各一員。旗手衛閒散滿洲整儀尉二員。筆帖式四員。○又罷陪祀漢冠軍使掌駕庫步輦事。裁鑿駕內庫管理鑾駕外庫管理漢整儀尉各二員。梭薦管理漢整儀尉一員。復設駕儀管理漢雲麾使一員。漢治儀正三員。革輅管理木輅管理拜褥管理梭薦管理漢治儀正各一員。駕庫管理漢整儀尉二員。玉輅管理金輅管理象輅管理篋頭管理漢整

儀尉各一員。左右中前後馴象六所。及旗手衛漢侍衛各三員。○五十年。分鑾儀使二員。為鑾儀左使。鑾儀右使。各一員。裁左所。右所。中所。後所。馴象所。旗手衛。漢侍衛。各一員。前所。漢侍衛三員。○五十七年。鑾儀左使。鑾儀右使。復改為鑾儀使二員。罷漢冠軍使陪祀。增設拜褥管理漢治儀正一員。左所。中所。漢侍衛各一員。前所。漢侍衛二員。○五十九年。裁拜褥管理漢治儀正一員。○嘉慶六年。改總辦堂務。協辦堂務。滿洲冠軍使各一員。為總理七所事務。滿洲冠軍

使二員。增設協理七所。事務滿洲雲麾使二員。仍以各所及旗手衛滿洲冠軍使雲麾使兼充。○七年。設學習鳴贊官二員。

職掌。○原定。以領侍衛內大臣或內大臣一人。總理衛事。以鑾儀使掌供奉。

乘輿。秩序鹵簿。辨其名數。與其班列。凡祭祀朝會。

時巡。

大閱。則帥所司而敬供之。既事復進而藏之。以滿洲冠軍使二員。總理堂務。以滿洲雲麾使二員。協理堂務。其陪祀漢冠軍使。及駕儀管理。駕庫管。

理漢雲麾使。治儀正。整儀尉。無專領職掌。各以其事隸屬於衛。以滿洲主事。漢經歷掌章奏文移之事。所屬有左右中前後馴象六所。旗手一衛。分鑿輿馴馬擎蓋弓矢旌節幡幢扇手斧鉞戈戟班劍及東西左右十四司。各所印以滿洲冠軍使掌之。各司印以滿洲雲麾使掌之。經歷司印以漢經歷掌之。所隸有軍尉旗尉民尉及三旗蒙古布勒器人漢軍更夫。凡陳設鹵簿儀刀弓矢戈戟用親軍。豹尾槍仗馬用護軍。蒙古畫角用蒙古畫角軍。奉請。

乘輿用旗尉。擎執各項儀仗。用民尉。左所掌輿乘輦。輅。右所掌繖蓋儀刀弓矢槍戟。中所掌麾。麾。幡。幢。纛。幟。節。鉞。仗。馬。前所掌扇。壺。瓶。盃。杓。椅。星。拂。御仗。梭。薦。靜。鞭。及。品。級。山。後所掌旗。幟。立。瓜。臥。瓜。吾仗。馴。象。所掌儀象。

騎。駕。鹵。簿。鏡。歌。前。部。大。樂。旗。手。衛。掌。金。鉦。鼓。角。鏡。歌。大。樂。及。

午門司鐘

神武門鐘鼓樓直更。漢雲麾使。治儀正。整儀尉。掌分司步輦五輅及靜鞭梭薦拜褥亭座篋頭各

以其職分隸於六所及旗手衛。為贊官掌贊鳴
鞭之事。

升除。○原定掌衛事大臣員缺。由侍衛處將領
侍衛內大臣內大臣職名開送兵部題請補授。
滿洲鑿儀使員缺。由漢洲冠軍使及一等待衛
內揀選。滿洲冠軍使員缺。於滿洲雲麾使內揀
選。滿洲雲麾使治儀正員缺。於滿洲治儀正整
儀尉內以次揀選。如不得其人。行文侍衛處揀
選三旗三等侍衛擬補雲麾使。藍翎侍衛擬補
治儀正。滿洲整儀尉員缺。於滿洲蒙古世爵及

佐領內揀選均由本衛引

見補授。漢鑿儀使員缺。由兵部將各省提督總兵官及本衛漢冠軍使職名開列題請補授。漢冠軍使員缺。於漢雲麾使內揀選。漢雲麾使員缺。於漢治儀正內揀選。漢治儀正員缺。於漢整儀尉內揀選。漢整儀尉員缺。於漢軍世職與漢軍佐領並武進士及本衛掌房掌案貼房貼案內輪流揀選。均由本衛引。

見補授。其由掌房掌案貼房貼案出身者。升至雲麾使而止。○康熙二十三年題准。凡漢整儀尉缺。

出。以漢軍世職並武進士揀選補用。其掌房掌
案貼房貼案人等揀選升補之例停止。俱照效
力人員例。三年役滿考用。○三十二年復准定
例三甲武進士外用者。署守備管守備事。若送
鑾儀衛用。以六品整儀尉補授。如有才堪外用
者。由本衛咨送兵部。仍照伊原應得之署守備
管守備事補授。嗣後武進士補授整儀尉各官
與在外之現任署守備管守備事等員較俸升
轉。其升至治儀正者。與署守備管守備事等員
較俸。升至雲麾使者。與守備管都司僉書事等

員較俸。至鑿儀衛滿洲各官。俱由本衛題補。嗣後漢軍世職及武進士缺出。亦咨取兵部將應補之人由本衛帶領引

見補授。○雍正三年

諭。漢整儀衛員缺。將世襲官與武進士停其補放。嗣後八旗漢軍內領催馬甲及閒散人等。有穎俊可用。工於馬步射者。著公同揀選。於整儀尉員缺帶領引見具奏。伊等內果有行走效力好者。咨送該旗令得補授副參領。○乾隆二年議准。漢整儀尉缺出。由八旗漢軍馬甲領催等補放。○十九年奉

旨。掌鑿儀衛大臣員缺。由領侍衛內大臣。將領侍衛內大臣內大臣開列請旨補授。不必由兵部具奏。○二十一年議准。滿洲整儀尉缺出。由世職官並各項拜唐阿補放。○三十六年奏准。上駟院七八品司弓司矢委署司弓司矢等。如能奮勉當差。五年後係滿洲蒙古人員。保送鑿儀衛以整儀尉選用。○三十七年奏准。於掌衛事大臣外。增設正辦事一員。由滿洲冠軍使內揀選引見補用。令其管理鑿儀衛一切事務。其副辦事一員。由本衛揀委。○又定。鳴贊官於太常寺鴻臚寺

贊禮郎鳴贊官內送衛選擇補用。○四十一年
奏准。滿洲整儀尉缺出。大臣子弟一體補放。○
四十二年

諭。嗣後漢鑾儀使缺出。兵部止須將俸深之總兵註明
年歲及有無事故。同俸深冠軍使一員開列進呈。候
朕簡放。其提督一項。毋庸開列。著為令。○四十五年
奏准。正辦事滿洲冠軍使。與侍衛班領一體服
黃馬褂。○四十七年具奏。滿洲鑾儀使員缺。請
將正辦事副辦事滿洲冠軍使二員。照例引

見簡補奉

旨。不必引見。即著正辦事滿洲冠軍使補授。欽此。遵旨議定。嗣後凡遇鑾儀使缺出。即將正辦事滿洲冠軍

使。及一等侍衛開列奏請補放。其引

見之例停止。○又奏准。靜鞭鳴贊官。凡由文職出身之員。升轉仍照文職銓選。其有由武職出身例。不得以同知通判升用者。遇本衛滿洲治儀正員缺。應與滿洲整儀尉一體揀選引

見補授。○嘉慶元年奏准。鑾儀衛承襲世職章京。除奉

旨著在原衙門行走外。或按其品級以侍衛調補。或

仍歸本旗當差。○六年奏鑿儀衛向設隨同辦事章京一員。係由滿洲冠軍使內揀選引

見補授。協同辦事章京一員。係由本衛揀委。請嗣後增設隨同辦事章京一員。協同辦事章京一員。一體引

見補授。如遇隨同辦事之滿洲冠軍使缺出。即將協同辦事之滿洲雲麾使奏請揀補。奉

旨。鑿儀衛事務。從前辦理不善。聲名亦屬平常。此朕所深知者。究其緣由。實係隨同辦事章京獨任。難免滋生弊端。今奏請再添設隨同辦事章京一員。協同辦

事章京一員。互相稽察以除弊端。所奏尚是著於現任冠軍使內。擇其人明白體面能辦事者帶領引見。補放隨同辦事章京。於雲麾使內。擇其堪勝任者帶領引見。補放協同辦事章京。所放隨同辦事冠軍使等。俱著照例賞給黃馬褂。將此永著為例。○十一年奏准本衛鑿儀使員缺出。除欽奉

特旨簡放外。仍照舊例將正辦事滿洲冠軍使二員帶領引

見補放。○同治十三年奏准河南德州山西甘肅呼蘭河右衛莊浪各城守尉缺出。向由直年旗咨

取頭等侍衛健銳營前鋒參領以及前鋒護軍
驍騎校等營參領內揀選二三員帶領引

見補放。惟鑾儀衛未經咨取似不足以示鼓勵。擬嗣
後仿照各營成案。遇有城守尉缺出。將本衛滿
冠軍使一併行取揀放。

考察。原定凡軍政屆期。所有鑾儀衛滿洲冠
軍使以下並主事以下各官。俱由本衛註考。密
送兵部吏部彙疏以

聞。又定凡鑾儀使奉

旨照舊供職者。給表裏三疋及羊酒。應否加

宮保銜加級之處出自

恩旨。○又定。凡鑿儀衛等官分別五等考覈。一等稱職者。紀錄一次。如紀錄後有緣事降級者。抵銷降一級。二等稱職者。給賞。冠軍使給表裏各二疋。雲麾使給表裏各一疋。治儀正以下各官給表一疋。供職平常者。留任。才力不及者。降一級調用。懶惰不稱職者。革職。○又定。凡鑿儀衛漢官五年俸滿。有給假。遷葬者。其往來路程。居家限期及違限處分。俱與文職同。○又定。凡遺失儀仗等物。掌衛事內大臣。鑿儀使各罰俸三月。

該管冠軍使雲麾使治儀正整儀尉各罰俸九月。又定凡遇

聖駕巡幸有衝突儀仗叩

關者直班冠軍使雲麾使治儀正整儀尉各罰俸六月。有代替校尉者堂官及專管官知情俱革職。若司官知情堂官失察者罰俸一年。堂司官俱不知情失察者專管雲麾使治儀正整儀尉各罰俸一年。冠軍使罰俸六月。堂官罰俸三月。

○嘉慶四年奉

旨。鑿儀衛章京著入於軍政。○又奏准鑿儀衛章京與

大門侍衛黏杆處侍衛均於六十員內薦舉一員。其或不足六十員者。如果人材出衆。亦准薦舉一員。僕不得其人。任缺毋濫。若薦舉不實。將該管大臣照例議處。